

Möcke

An ene schöne Sommedaach
setz isch am spoode Nommedaach
bequeem om Stohl op de Terrass
on halt misch an e Bierjlas faß.
Isch kick misch öm, de Sonn schenk wärm,
dö senn isch ene Möckeschwärm.

Wie op Kommando send die janze
paa hondert Möckschere am danze.
Schön aanzeenn, wie ene Bärm ¹
van su völl Möcke dö als Schwärm
jraduus on op on aaf on schrääsch
sisch rütmisch elejant bewäsch,
als wänn ene Dirijänt van Fäe ²
dä Schwärm am dirijiere wör.

Ze jlische Zik eß lenke Hank
ene angere Möckeschwärm ajank.
Och he diesäleve Elejanz
bejm sommelische Möckedanz.
Isch staun mä, wie die met de Flööne ³
esu-e Schauspell beene ⁴ könne.
Wänn massehaff de Möcke schwärme,
könnt me bejm Kicke en et Schwärme.

Janz angeşch, wänn en änkel Möck
disch naats em Schloofzemme besöök.
Die wid besongesch dann aktiv,
wänn ose-r-eene friedlich schlief -
jäe schloofe *well*, eß enzeschränke,
an Schloof eß dö net mi ze danke.
dänn su-e wenzisch kleen Insäk,
dat maat disch met de Zik janze jäck.

¹ Vielzahl; beisammen ² von Ferne ³ Flügeln
⁴ bieten

Die Möck eß öm dr Kopp am schwirre,
du hüęsch ¹ janz leis am Uę ² se sirre.
Du flaaşteşch ³ lebhatt met de Hank,
dänn wọ se setz, eß net bekank,
on kaß se also mä verjaare,
statt met ene Titsch se duut ze schlaare.

Du weeß genau, die hoddele Möck
kött jede Oorebleck zeröck.
Se maat en Kurv on flüsch sudann
disch us en ange Rischtung aan,
bes schleeblich se a disch em Bätt
en Landeställ jefonge hät,
des Mọql am Qvveärm vilisch.
Se sätz dr Rössel aan - on stisch.

Bej dä beklämmende Jedanke
- *jetz eß die Möck mee Bloot am tanke!* -
sprengß du en Panik us et Bätt
on sööks dr Schalter van et Leet,
fü ändlich ens ze kicke jetz,
wọ janz genau dat Schennọqß setz.
Dauch dọ eß dat blootrönstisch Weese ⁴
et Naatsdöischlämpsche am ömkreese.

Du moß disch nauch jedolde, bes
die fräasche Möck jelandet eß
on du dann a de Wank dat Bieß
ọf am Plafong jetz setze siß.
Dänn mä wer nọ die änkel Möck
em janze Zemme fließisch söök
on senn kann, wọ se sisch befenk ⁵,
darf hөffe, dat-e die och fenk ⁶.

Die Möck eß nemmi su bewäęschlich,
weil se vam Blootjenoß beträschlich
jet zojenomme a Jewięt.
Et Starte jeet dann net ęsu lięt.

¹ du hörst ² Ohr ³ du fuchtelst, wedelst ⁴ Wesen ⁵ befindet
⁶ fängst

Dat eß dä rischtije Momänt,
däm jede Möckejäajer käänt:
die Möck jetz ene Schlaach ze jävve
on se, wänn mööschlich, völl ze trääffe.
Zerplatz bej su-n Jelääjeheet
die Möck ens op en häll Tapeet,
dann jit et ene rude Fläck.
Däm brengste schwoeß mä werrem wäk.

Döck aajelock wid och en Möck
van Schweetßfööß on van stenke Söck.
Kott ovvehaleß vam Söckerank
sätz se bequeem sisch hen on tank
mem Rössel sisch jenößlich völl.
De Blootjrupp spellt döbej keen Röll.

Et kann jedauch passiere, dat
disch en en fläue ¹ Sommenaat
ens an die sebbezehn, achzehn Möcke
op eene Schlaach em Bätt »bejlöcke«,
fü disch em Schloß op janze brutale
Manier jeballt ze övvefalle,
endäm disch all die kleen Vampire
an Kopp on Hals vermolästiere ².
Döbej wid flöck on net ze knapp
Arteerijebloot disch afjezapp.

At eene Stejsch an Ärm of Been
kann, wänn et jöisch, äresch lästisch sen.
Dann deet me provisorisch op
die Ställ jet Spöi ³ mem Fenge drop.
Su jeet at met e beßje Spöi
die Jöischerej em Nu vrbej.

Wänn du dat Päsche häß, on janze fies
jülich dutzendfach jestauche wiß,
wänn disch die wenzije Vampire
met hön Attacke transjeniere ⁴

¹schwülen ²übel zurichen ³Spucke ⁴drangsalieren

on emme nauch e Pläätschje fenge,
fü öm de Naatsrou disch ze brenge,
wänn een Möck nõ de ange disch
am Kopp of irjens angesch stisch,
dann weeßte sesche wat dat heesch:
du beß van all die Möckestejsch
em Nack, am Hals on em Jesiët.
am Morje äresch verschangeliert ¹.
Dat kaßte jlööve, du verschricks,
wänn du em Speejel disch bekicks!

Dat Jöische eß janz äkelhaff
on klenk och mä allmählich aaf,
su dat disch daachlang nauch die klitze-
kleen Brübbelschere ² trieze.

¹verunstalten ²Pickelchen